

1555_Qui eut jamais estimé_[Epître I]

Auteurs : Pasquier, Étienne

Les folios

En passant la souris sur une vignette, le titre de l'image apparaît.

3 Fichier(s)

Informations sur la notice

ContributeurLagnena, Michela

Texte

Transcription diplomatique

PREMIERE EPISTRE.

QVI eut iamais eſtimé, que telle eut || eſté la fottie d'un homme, de non || ſeulement eſtre fol, & auoir co-||gnoiffance de ſa folie, mais auſi || d'apeter que le monde en eut co-||gnoiffance ? Vrayement fault il que l'extremité de || folie ſe range dans vn tel cerueau : Et ce d'autant || plus que nature nous inſtruit tous en general cou-||rir nos deffauts & pechez. Il fault certes que ie || confeſſe, que grande feut celle rage, qui s'imprima || dans mon eſprit, lors que luy laſchay la bride, pour || me foubmettre à la volonté d'une femme, mais || toutesfois excuſable, m'eſtant celle faulte com-||mune avecques tous. Maintenant qu'eſt il de be-||ſoyn donner à entendre à vn peuple, de quelle for-||te de paſſiōs & pointure ie ſeu nauré, ſi non pour || deſcouvrir plus apertement ma beſtife ? Excusez || pour Dieu cette faulte meſſieurs, & ne l'imputez || à moy, ains à la force de mon deſtin, qui guide mes || œuvres celle part. Et bien que pour mon regard ie || n'en attende aucun fruit, qu'un meſpris & con-||temnement de mon faict : ſi pourrez vous vous rēdre ſages par ma folie, quand recognoiſtrez par **[f. D6r°]**

ces lettres (diſcours certes de mes amours) d'une || effrenée affectiō la fin ſ'eſtre cōuertie en vne deſ-||daigneuſe haine. C'eſt vne hiſtoire, m'en croyez, || vne hiſtoire de ma folie, et ne drefſay oncques ces || epiſtres qu'ainſi ou qu'amour, ou que deſdain les di||ctoient : Deſquelles ſi les aucunes feurēt (peut eſtre) || enuoyées, les autres nō, & les vnes & les autres || ſeulement faites pour plaiſir, ſi feurent elles baſties || ſoubs la charge de ces deux trahiſtres capitaines, || qui à l'enuy ont commandé fus mes eſprits. Que || pleuſt à Dieu que par eſbat, & non aux deſpens, || & de mon temps, & de mon corps, ie les euſſe fa||çonnées. Pour le moins ne ſentiroy-ie en moy l'a-||mertume d'un regret : d'un regret dy-ie, non point || d'auoir eſté amoureux (ia ne plaife à Dieu que pa-||role ſi mal digérée forte iamais de ma bouche) || mais d'auoir employé mes vœux alendroict de cel-||le, de laquelle pour

recompense ie n'ay receu que || deffaueur. Ce neantmoins vous verrez de quelle || forte ie me fuis esperdu & idolatré en elle. Voire || vous diray plus, qu'encores est ce icy le moins de || ce que ie fey oncques pour elle. D'autant que ia-||mais bafteteux ne fait faire plus de tourdions à vn || Cinge, comme elle à fait de mon esprit. Chose à la || verité merueilleuse, ie ne diray point monftrueufe, || qu'à la poursuite d'un obiet, un esprit se soit diuer-||fifié en si cōtraires manieres. Or si tel feut un tems **[f. D6v°]**

fon priuilege d'ainfi se plaifanter de moy, mainte-||nant est-ce la raison qu'vnt quelque peu de mes || droits, aufi ie me iouë de moy, & m'en iouant me || fubmette au langage de tous les hommes, defquels || les aucuns me prendront parauenture à rifée, & || les autres à compaßion. Mais quant à moy, ie pro-||tefte reffembler ceux qui ayants commis quelque || faulte, qui de foy n'est point pardonnable, tafchent || à trouuer quelque fatisfaction pour vaguer nuds || parmy le monde : Ainfi me profternant à un pu-||blicq, pour le moins penfe-ie accomplir le deuoir || de ma penitence : laquelle ne me fera point trop || griefue, si ie puis apercevoir un pauvre amant feu||llement, lifant ces prefentes epiftres, se donner telle || confolation que tout miserable s'ordonne. **[f. D7r°]**

Emplacement du texte

Ouvrage *Recueil des rymes et proses de E. P.*

Date de publication du volume 1555

Lieu de publication du volume Paris

Exemplaire consulté Paris, Bibliothèque nationale de France, Rés. 8-BL-8826

Pagination, foliotation, signature D6r° - D7r°

Pièce n°001

Description & Analyse du texte

Genre Épistolaire

Sujets Discours liminaire

Les mots clés

[lettre](#)

Les relations du document

Ce document n'a pas de relation indiquée avec un autre document du projet. □

Notice créée par [Michela Lagnena](#) Notice créée le 09/11/2023 Dernière modification le 25/08/2024